

Universitätsbibliothek Paderborn

Brevis Institutio De Salvatri Poenitentia Peccatoris

Viexmont, Claude de

Coloniae Agr., 1725

VD18 1361598X

Tertiæ partis conclusio.

[urn:nbn:de:hbz:466:1-50113](#)

iniurias reddis, quām acceperis: facis mala, quæ potes, minaris, quæ facere non potes, & dum foris aut non potes aut non audes iniuriam tuam vindicare, adhuc tamen intus inimicitias æstuas, & frustra te ipsum, non inimicum crucias. Sicut enim bona voluntas cùm deest copia agendi, remuneratur, ita & maleuola tua voluntas vltionem moliens mulctatur: quia non tam consideratur quod fecisti, quām quod, si licuisset, facere voluisti.

Itaque, frater charissime, impatientis animi tui obstinationem infleste ad misericordiam: & Domini Dei nostri vestigia sequendo durum tibi non sit toties peccanti fratri ignorare, quoties in te potest peccare, vt & peccatorum, quæ quotidie in Deum committis, remissionem quotidie assequaris: vt dum proximo remittis parua & leuia, tibi à Deo remittantur magna & grauia. Si enim verè pœnites, ad perfendendas iniurias paratus esse debes: nec ullo modo commoueri, si quis tibi obiciat crimen peccati tui.

Voluntas
reputatur
pro factō.

Conuicia
toleranda.

TERTIÆ PARTIS CONCLVSIO.

OB hæc & multa alia, quæ in hanc sententiam dici poterant, planè vides, frater charissime, in quām damnoso statu manes, quamdiu istas inimicitias contra proximum tenes. Ut igitur ad vitam sanctam resurgas, si quid habes erga proximum tuum, dimitte, & dimitetur tibi: quòd si ei non di-

miseris, tua tibi à Deo dimitti frustra speraueris: tales experieris Dominum, qualis fueris erga conseruum tuum. Ei qui qualibet de causa laeserit te, dimittendi habes potestatem, imò necessitatem: si autem in Deum aut proximum tuum peccauerit, tui non est arbitrii dimittere, sed ut legitimè puniatur, debes procurare, non maleuola voluntate, sed ea quia pater filium corripit quem non potest odire. Tu verò econtrario in Dei & proximi tui iniuria benignus es, in tuis verò contumeliis odia exerces. In quo planè ostendis, quòd nec Deum nec proximum tuum diligis. Nec mirum, si non diligas Deum, quem videre non potes: cùm diligere non possis proximum tuum, quem Confilii est; vides, quem si prior offendisti, prior reconciliare ei; si est inimicus, esto ei benevolus, vt tibi fiat amicus. Imò etiam si prior laesit te, velis autem in iustitia perfectus esse: offensus præueni offendentem, vt duplicem apud Deum consequaris mercedem: vnam quia passus es iniuriam, alteram, quia inimicum tuum prior inuitas ad concordiam. Sed plerunque reconciliari appetis, verū ex superbia ire ad satisfaciendum prior erubescis. Perpende, quid ad eruditionis nostræ exemplum dicat Paulus, z. Cor. 5: pro Christo legatione fungimur tanquam Deo exhortante per nos, obsecramus pro Christo, reconciliamini Deo. Ecce, inter nos & Deum discordiam peccando fecimus, & tamen Deus legatos suos prior ad nos mittit, vt nos qui peccavimus, cum Deo ad pacem veniamus. Erubescat igitur superbia tua, nisi proximo

Nostra iniuria toleranda.

Dei & proximi iniuria non toleranda.

Nota.

prior satisfas: cùm vt sibi reconciliemur
per legatos suos obsecrat Dominus noster IE-
SVS CHRISTVS, qui est super omnia
Deus benedictus. Amen.

TERTIÆ PARTIS FINIS.

INSTITVTIONIS PARAENETICAE

AD POENITENTIAM.

QVARTA PARS,

DE
**PECCATIS SACERDOTI
CONFITENDIS.**

**QVOD PECCATVM DIMITTITVR,
SI QVIS CONTRITO CORDE
ID CONFITEATVR.**

CAPVT PRIMVM.



Latro in
furto à Rege
deprehendens.

Varto non vis peccata tua confiteri,
timens, ne si ea confitearis Sacer-
doti, cui hactenus vir bonus &
honestus visus es, posthac pecca-
tor videaris, sicque ei appareat tua hypocrisia.
R. Imprimis, frater charissime, exemplum tibi
propono tale. Latro quidam coram Rege fu-
ratur, in latrocino suo deprehenditur, & fur-
tum suum tametsi manifestum fateri non vult;
vnde morti adiudicatus, ad suspendium lig-